

憲示第三百二十六號

署輔政使司師

為

曉諭事現奉

督憲札開估價官經將本港屋宇一千九百零一年至一千九百零二年租價估擬爾各業主有欲觀看所估價冊錄由本年六月初十日禮拜一日起限二十一日為期前赴庫務司署請示可也等因奉此合亟出示曉諭為此特示

一千九百零一年

六月

初五日示

憲示第三百三十一號

署輔政使司師

為

曉諭事照得現奉

督憲札開將庫務司之示開列於下俾眾週知等因奉此為此特示

一千九百零一年

六月

初五日

署庫務司馬

為

曉諭本港業主知悉現爾等所欠本年上半年之地稅限至西歷本年

六月二十四日以前須赴本署清納慎勿延遲切切特示

一千九百零一年

六月

初四日示

憲示第三百三十四號

署輔政使司師

為

曉諭事現奉

督憲札開按一千九百年新界田土衙門例則第十五款預示下列第六約內居民知悉汝等向管之業限至本年唐五月三十日除非領有地紙或執照或經遞稟報認而該衙門未及審斷者不在此論凡所管之業倘無以上各種憑據緣由一經查明即作盤踞

國家官地論決不寬貸等因合亟出示曉諭俾眾週知切切特諭

計開

第六約邊界

北界由疍角海西岸之界石起向西上八仙嶺最高山頂上有一堆石為新界丈量記號之處直至沙羅洞往雲山下之大路破崗而過之處又至雲山下凹頂所有沙羅洞流入龜頭嶺下溪澗上一帶田土皆在界內惟雲山下之田土不入其中又由凹頂轉北至背夫嶺頂循嶺之西直過至山下界石又至往深圳大路之界石然後向西及西北循蔡坑林村北界之山脊直至八鄉凹止

南及西南之界由八鄉凹起至觀音山循山脊至大帽山又向東至碗窰凹頂仍向東直上四方山又名蓬山頂及循企山之脊至企山之頂又循企山之東脊至馬尿水止

東界由疍角海西岸之界石起至馬尿水止所有大尾篤烏龜沙中間一帶海島盡入界線內

一千九百零一年

六月

初八日示